

tamén os pagamentos parciais do exercicio 2009 e futuros das subvencións concedidas con carácter plurianual ao abeiro das ordes do 19 de febreiro de 2007 (DOG do 2 de marzo) e do 8 de febreiro de 2008 (DOG do 22 de febreiro). A modificación que se propón refírese ao artigo 17.2º.2 da Orde do 8 de febreiro de 2008, pola que se establecen as bases polas que se rexerá a concesión de subvencións a entidades de iniciativa social para investimento, mantemento e promoción de actividades e programas de servizos sociais e se procede á súa convocatoria e o artigo 17.2º.2 da Orde do 19 de febreiro de 2007 (DOG do 2 de marzo).

O artigo 63.1º.2 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, permite a realización de pagamentos anticipados, nas subvencións de capital, de ata un 50% da subvención concedida, cando o investimento exixa pagamentos inmediatos, sen que se supere a anualidade prevista no exercicio.

Por outra banda, estímase que é necesaria a modificación do artigo 17 da Orde do 23 de febreiro de 2009, engadindo un parágrafo ao final do punto 2, de xeito que a xustificación das subvencións de investimento en centros e servizos para persoas con discapacidade, con cargo á aplicación orzamentaria 2009.05.41.312E.781.0, poderá presentarse ata o día 10 de decembro do ano 2009; igualmente os beneficiarios das subvencións de carácter plurianual, para adquisición, construción reforma, rehabilitación e equipamento de centros de atención a persoas con discapacidade, concedidas ao abeiro das ordes do 19 de febreiro de 2007 e do 8 de febreiro de 2008.

Polo exposto e en uso das facultades que me foron concedidas

#### DISPOÑO:

##### Artigo 1º

Modificación do artigo 17.2º.2 relativo ao pagamento e xustificación das subvencións reguladas polas Ordes do 23 de febreiro de 2009, do 8 de febreiro de 2008 e do 19 de febreiro de 2007 polas que se establecen as bases polas que se rexerá a concesión de subvencións a entidades de iniciativa social para investimento, mantemento e promoción de actividades e programas de servizos sociais e se procede á súa convocatoria.

Poderán realizarse pagamentos anticipados, nas subvencións de capital, que teñan un importe superior aos 18.000 euros, nos termos establecidos no artigo 63.1º.2 do Decreto 11/2007, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, de ata un 50% da subvención concedida, cando o investimento exixa pagamentos inmediatos, sen que se supere a anualidade prevista no exercicio. A concesión do anticipo realizarase mediante resolución motivada, por instancia da entidade solicitante, logo de xusti-

ficación da necesidade de contar con financiamento previo para realizar a actividade.

As entidades beneficiarias de subvencións afectadas por esta modificación, por seren entidades de iniciativa social sen ánimo de lucro, quedarán exoneradas de presentar garantías, conforme o artigo 65.4º h) do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.

##### Artigo 2º

Adición dun novo parágrafo ao artigo 17 punto 2.2 da Orde do 23 de febreiro de 2009.

Ao final do punto 2.2 do artigo 17 da Orde do 23 de febreiro de 2009, que leva por título Subvencións de investimento, debe engadirse o seguinte parágrafo:

A documentación xustificativa dos gastos realizados, no caso das subvencións de investimento en centros e servizos para persoas con discapacidade, que teñan un importe superior a 18.000 euros, con cargo á aplicación orzamentaria 2009.05.41.312E.781.0, poderá presentarse ata o día 10 de decembro do ano 2009. Igualmente, os beneficiarios das subvencións de investimento de carácter plurianual, en centros de atención a persoas con discapacidade, concedidas ao abeiro das ordes de 19 de febreiro de 2007 e do 8 de febreiro de 2008, poderán presentar a documentación xustificativa dos gastos realizados, correspondentes á anualidade 2009, ata a data devandita.

#### *Disposición derradeira*

Esta orde entrará en vigor o mesmo día da súa publicación no *Diario Oficial de Galicia*.

Santiago de Compostela 17 de novembro de 2009.

Beatriz Mato Otero  
Conselleira de Traballo e Benestar

## CONSELLERÍA DO MEDIO RURAL

*Orde do 16 de novembro de 2009 pola que se amplía a dotación orzamentaria da Orde do 18 de febreiro de 2009 pola que se establecen as bases que regulan a concesión das axudas para o fomento das razas autóctonas galegas de protección especial en perigo de extinción, e se convocan no ano 2009.*

Orde do 18 de febreiro de 2009 ( DOG nº 38, do martes 24 de febreiro), pola que se establecen as bases que regulan a concesión das axudas para o fomento das razas autóctonas galegas de protección

especial en perigo de extinción, e se convocan no ano 2009.

1. No seu artigo 17 precísanse as aplicacións orzamentarias e o importe económico previsto para o financiamento das ditas axudas, e así mesmo que os importes dos orzamentos xerais da Comunidade Autónoma de Galicia cos que se financiarán estas axudas poderanse incrementar con fondos comunitarios, estatais ou autonómicos achegados para o efecto.

Co obxecto de poder amparar todas as solicitudes nas distintas liñas de axuda establecidas, e posto que a dotación inicial resulta insuficiente, aprobáronse os correspondentes expedientes de xeración e ampliación de crédito, polo que cómpre, mediante esta orde, ampliar a dotación orzamentaria consignada inicialmente para a concesión das mencionadas axudas.

En consecuencia, de acordo co previsto no artigo 30.1º.3 do Estatuto de autonomía de Galicia, e no uso das facultades que me confiren os artigos 14 e 31.2º da Lei 9/2007, do 13 de xuño, de subvencións de Galicia, e a Lei 1/1983, do 22 de febreiro, de normas reguladoras da Xunta e da súa Presidencia

#### DISPOÑO:

##### Artigo único

1. Amplíase a dotación orzamentaria que se establece na Orde do 18 de febreiro de 2009 (DOG nº 38, do martes 24 de febreiro), pola que se establecen as bases que regulan a concesión das axudas para o fomento das razas autóctonas galegas de protección especial en perigo de extinción, e se convocan no ano 2009.

2. O incremento da dotación será de 41.536 euros con cargo á aplicación 49.02.713-C.771.3 dos orzamentos xerais da Comunidade Autónoma de Galicia para o ano 2009.

3. En todo caso, a concesión das axudas reguladas na dita orde estará limitada ás disponibilidades orzamentarias.

##### *Disposición adicional*

Única.-A ampliación de crédito prevista no artigo único desta orde non afecta o prazo de presentación de solicitudes establecido na devandita Orde do 18 de febreiro de 2009.

##### *Disposición derradeira*

Esta orden entrará en vigor o mesmo día da súa publicación no *Diario Oficial de Galicia*.

Santiago de Compostela, 16 de novembro de 2009.

Samuel Jesús Juárez Casado  
Conselleiro do Medio Rural

## SERVICIO GALEGO DE PROMOCIÓN DA IGUALDADE DO HOME E DA MULLER

*Resolución do 17 de novembro de 2009  
pola que se establecen as bases reguladoras que rexerán as axudas e subvencións para o apoio á execución de programas sobre igualdade no ámbito universitario e dos organismos públicos de investigación, e se procede á súa convocatoria.*

Ao Servizo Galego de Promoción da Igualdade do Home e da Muller, organismo autónomo de carácter administrativo, creado pola Lei 3/1991, do 14 de xaneiro, e adscrito á Presidencia da Xunta de Galicia en virtude do establecido na disposición adicional do Decreto 82/2009, do 21 de abril, correspóndelle, entre outras funcións, a de elaborar plans de actuación, programas e plans para fomentar o emprego e facilitar a formación profesional das mulleres (artigo 3.8º).

A Lei 7/2004, do 16 de xullo, galega para a igualdade de mulleres e homes, establece o compromiso da comunidade autónoma na eliminación da discriminación entre mulleres e homes e na promoción da igualdade no ámbito laboral e formativo. En concreto, o seu artigo 11 -As cuestións de xénero no eido da educación superior-, establece que a Xunta de Galicia fomentará, sen vulnerar o réxime de autonomía universitaria, a docencia, o estudo e a investigación das cuestións de xénero no ámbito da educación superior, e para estes efectos:

a) Promoverase a creación de cátedras sobre cuestións de xénero nas facultades, escolas técnicas superiores e escolas universitarias.

b) Potenciarase a realización de proxectos de estudo e investigación sobre cuestións de xénero e/ou de proxectos de estudo e investigación en que se integre unha perspectiva de xénero.

Mediante esta resolución convócanse axudas dirixidas aos centros de investigación e grupos de investigación do sistema universitario galego (en adiante SUG) e entes de dereito público e fundacións públicas da Comunidade Autónoma galega que se dediquen á investigación sobre cuestións de xénero e/ou a proxectos de estudo e investigación en que se integre unha perspectiva de xénero. Estas axudas, que recoñecen e premian o esforzo na obtención de resultados de calidade, concédense sobre a base do compromiso de desenvolver un programa que teña en conta, e como obxectivo principal, temas relacionados coa igualdade de oportunidades e as problemáticas actuais das mulleres, prevendo a súa renovación en función do cumprimento dos obxectivos fixados.

Estas axudas enmárcanse dentro da liña de acción incluída na medida 72 do eixe 3 do Programa operativo do Fondo Social Europeo 2007/2013, a través